

ALBERGUE MUNICIPAL VICENTE AGULLÓ (LALÍN, PONTEVEDRA)

DATOS XERAIS: albergue municipal situado nun espazo natural a 6,5 km de Lalín cunha área recreativa á beira do río Asneiro. Conta con cuartos e baños múltiples, primeiros auxilios, cociña, comedor e espazo de usos múltiples na planta alta.

ACCESOS: na estación de tren de Lalín, en Botos (PO-534), seguir as indicacións "Finca de Mouriscade", unha vez alí, pasada a ponte do tren, xirar á dereita ata o final da pista. (*En Google Maps, escribir "Área de recreo Mouriscade"*)

<https://goo.gl/maps/isUH5jUKiyoLRXy38>

ENDEREZO: Finca de Mouriscade, 36515 Vilanova, Lalín, Pontevedra.

QUENDA	ANOS NACEMENTO	DESCRICIÓN DAS ACTIVIDADES "AVENTURA +"
Do 14 ao 23 de xullo	13-14-15-16	As actividades programadas neste campamento buscan a participación e a cohesión grupal a través dunha variada programación: actividades deportivas (iniciación á hípica e coidado dos cabalos, caia e paddlesurf no encoro de Portodemouros), visita ao museo etnográfico Casa do Patrón (Doadre) e ruta dos muíños, actividades artísticas (obradoiro de figuras pixeladas e customización de roupa), xogos tradicionais, Escape Street, xogos temáticos, xogos en equipos... todas elas coa finalidade de aproveitar o tempo libre de forma saudable e propiciar unha convivencia enriquecedora e formativa, desfrutando do seu contorno ambiental. NOTA: Para ser admitido neste campamento é necesario saber nadar.

NORMAS XERAIS:

1. As persoas participantes estarán atendidas permanentemente por persoal titulado e especializado na organización e no desenvolvemento das actividades de tempo libre.
2. Ningunha persoa participante poderá abandonar o centro sen autorización expresa do/a director/a da actividade, e sempre acompañado por un **adulto autorizado (persoa que asinou os papeis de inscrición)**; no caso de non poder estar presente este, a persoa que efectúe a recollida deberá achegar a fotocopia do DNI de quen autoriza (persoa que asinou os papeis de inscrición) e do autorizado, así como o impreso de autorización que lles será facilitado o día da recepción.
3. **Prégase non facer visitas de non ser necesario**, co fin de non interferir no desenvolvemento das actividades e limitar ao mínimo imprescindible a entrada de persoas alleas á instalación.
4. **Horario de chamadas:** na información de recepción o equipo directivo comunicaralles ás familias os días en que se poderá contactar cos/coas menores (cun mínimo de 3 días durante a quenda) e o horario para as chamadas. Nese horario, os/as rapaces/zas disporán dos seus móbiles se os traen ou ben as familias poderán chamar ao/á menor nos teléfonos indicados na reunión de recepción. Tamén se permitirán as chamadas fóra do horario sinalado por causa xustificada.
5. O centro conta con atención sanitaria. As persoas participantes deberán levar as **tarxetas sanitarias orixinais** (ou seguro médico, MUFACE ou similar, e o talonario de receitas).

O día da incorporación deberánse comunicar ao persoal técnico da actividade os medicamentos, en caso de tratamento específico, que estean a tomar; así como as alerxias, doenzas, ou calquera outra incidencia que se considere de interese.

6. Recoméndase que non leven obxectos de valor, nin grandes sumas de diñeiro.

Prevese a organización dun banco de cartos e móbiles onde os participantes poderán depositar os seus cartos e tamén os teléfonos, (recoméndase poñer un adhesivo co seu nome tanto no teléfono coma no cargador e, no caso de ser necesario, unha lista cos números de teléfono e o PIN, se non se sabe de memoria). Os teléfonos entregaranse apagados.

7. Recoméndase levar a roupa marcada coas iniciais.

8. Nesta web, no apartado "Documentación para presentar (fase de adxudicación)", está dispoñible o modelo de autorización para recollida do/a menor e outra información de interese.

INCORPORACIÓN E RECOLLIDA DAS PERSOAS PARTICIPANTES

- A incorporación realizarase o día do inicio da quenda correspondente, entre as 10.00 e as 13.00 horas no Albergue Municipal Vicente Agulló.

Para comunicar calquera incidencia en relación coa incorporación poden contactar co teléfono **606509611** durante os **tres días anteriores á incorporación** ao campamento.

- O día de **remate da quenda, a recollida das persoas participantes** deberá facerse entre as 12:00 e as 14.00 na mesma instalación.

MATERIAL NECESARIO

A equipaxe **débese preparar coa axuda do/a menor** para asegurarse de que recoñece toda a roupa que leva e evitar extravíos. **Tanto a roupa como outras pertenzas** (toallas, móbil e cargador, se é o caso, etc.) **deben ir marcadas** (por exemplo, coas iniciais do nome e apelidos cun rotulador permanente).

- Toallas de aseo e de praia
- Bolsa para a roupa sucia. Non se poderá lavar ningún tipo de prenda na instalación.
- Útiles de aseo
- Saco de durmir
- Crema protectora solar
- Traxes de baño
- Gorra ou viseira
- Camisetas
- Pantalóns curtos ou bermudas
- Mochila pequena de asa ancha para saídas
- Roupas interiores suficientes para todos os días da quenda
- Pixamas

MATERIAL RECOMENDABLE

A maiores, é aconsellable levar:

- Cantimplora
- Sandalias pechadas con velcro
- Repelente para os mosquitos
- Chaleco reflector
- Vestimenta deportiva e de abrigo: chándal, pantalóns, suadoiros ou forro polar...

- Calzado deportivo que sirva en caso de choiva
- Chuvasqueiro
- Lanterna ou frontal
- Bolígrafo e caderno

O horario básico da quenda será o seguinte:

08.30 h	Erguerse, aseo persoal, vestimenta axeitada e amaño de dormitorios
09.00 h	Almorzo
09.30 h	Activa-T (desprazamento, de ser o caso).
10.00 h	Actividades de mañá (con interrupción para un refrixerio)
13.50 h	Remate das actividades de mañá, recollida, desinfección do material e aseo
14.10 h	Xantar
15.00 h	Aseo
15.10 h	Tempo libre xestionado e preparación actividades da tarde (desprazamento, de ser o caso)
16.00 h	Actividades de tarde (con interrupción para merendar)
19.50 h	Remate das actividades de tarde, desinfección do material e recollida
20.10 h	Ducha, tempo libre xestionado
21.00 h	Cea
21.30 h	Tempo libre xestionado
22.00 h	Escoita activa
22.20 h	Velada
23.30 h	Deitarse.